

ՎԻԿՏՈՐ ՄՆԱՑԱԿԱՆԻ ՊԵՏՐՈՍՅԱՆՑ

ՀԱՅՐԵՆԱԿԱՆ ՄԾԱԿՈՒՅԹԻ ՊԱՇՏՊԱՆ ՀԱՅ ԿԱՆԱՅՔ

ՄԱՄԱԽԱԹՈՒՆ

Ապուստոսի և Վախախի դուստր Մամախաթունը ամուսնու՝ Արագածոտն, Նիգ գավառների տեր ու Արարատյան աշխարհի կողմնակալ Վաչե Վաչուտյան իշխանաց իշխանի բոլոր շինարարական ձեռնարկումներին մասնակցելուց բացի ինքն անձամբ սկսել ու ավարտել է շատ կառույցներ, հովանավորել է մշակութային հայտնի օջախներ:

Մամախաթուն իշխանուհու²⁹ առաջին արձանագրությունը 1211 թվականին փորագրվել է Նիգ գավառի (Ապարանի շրջան) նշանավոր կրթական-մշակութային կենտրոն Թեղեհյաց վանքի գավթում:

ԹՎ(ԻՆ) ՈԿ (1211): Ես Մամախաթուն, ամուսին Վաչեի, դուստր Ա...
... արարիք ... ցանի
... եւ այլ արդիւնս անապատս Թեղեհնե(ա)ց եւ առաջնորդք սորա հաստատեցին...

Արձանագրությունը խիստ հողմնադրված է, սակայն պարզ երևում է, որ նվիրատվական է: Մամախաթունը նվերներով գործակցել է գավթի շինարարությանը:

²⁹ Վ. Պետրոսյանց, Վաչուտյան իշխանական տան եկեղեցաշինական գործունեությունը, «Էջմիածին», 1977, Թ—Ժ (9—10), էջ 84—86: Նույնի Վաչուտյան իշխանների շինարարական գործունեությունը Ապարանի շրջանում, «Հայաստանի բնություն» հանդես, 1980, պրակ 2, էջ 98—99:

Հատկանշական է, որ Մամախաթունի շինարարական գործունեությունը միայն հայրենի Արագածոտնում և Նիգում չի սահմանափակվել: Հոռոմոսի վանքը նշանավոր մշակութային կենտրոն էր, ուներ հատուկ գրատուն-մատենադարան: Մամախաթունն այստեղ 1229 թվականին շինություններ է ավելացնում և հատկապես գրատանը նվիրում է մի այգի, որի եկամուտները պետք է օգտագործվեին սովորող աշակերտների և ձեռագրեր ընթերցանող գրիչների ապրուստն ապահովելու համար: Փաստորեն առաջին անգամ հայ իրականության մեջ հովանավորվում է դպրոցական գործը: Մամախաթունը ձիթհանքեր է նվիրել Սանահին, Հաղբատի, այգիներ՝ Հառիճի վանքերին:

Ամուսնու հետ համատեղ Մամախաթունը կառուցել է Հովհաննավանքի կաթողիկե, Մաղմուսավանքի Սուրբ Սիոն եկեղեցիները:

Մամախաթունի ամենանշանավոր կառույցը Տեղերի եկեղեցական համալիրն է:

Տեղերի կաթողիկե եկեղեցին, գավիթը, զանգակատները կառուցվել են շուրջ քառորդ դարի ընթացքում: 1232 թվականին Մամախաթունը գավթի շքամուտքի բարավորին փորագրել է տալիս իր հայտնի շինարարական արձանագրությունը, որի համաձայն

...Ես՝ Մամախաթունս, շինեցի զեկեղեցիքս զմեծ եւ զփոքր եւ զծամատունս յիշատակ ինձ եւ առն իմոյ Վաչեի...

Տեղերի եկեղեցին և գավիթը գեղարվեստական կատարումով 13-րդ դարի բազմաթիվ կառույցներից լավագույններից են:

Իր կառուցած այս նշանավոր եկեղեցու գավիթում էլ մահվանից հետո թաղվել է Մամխաթուն շինարար իշխանունին:

ՏՂԱՏԻԿԻՆ

Տղատիկինը պարոն Բոնավորի կինն է: Ապրել է 13-րդ դարի առաջին կեսում: Տղատիկնոջն ու Բոնավորին գավակ չի ծնվել և շատավիդ թողնելու ցանկությամբ նրանք «ոչ ունելով մարմնաւոր զաւակ՝ ցանկացողք եղաք հոգեւոր զաւակի»: Ու թեև ժամանակը խիստ վրդովոտ էր, թաթարները ավերում էին երկիրը, ամուսինները հապ գրչության նշանավոր դեմքերից մեկին՝ մանրամասն իզնատիոսին, պատվիրում են գրել հոգեմատյան:

Տղատիկնոջ և պարոն Բոնավորի փափագած հոգևոր զավակի՝ հոգեմատյանի վերջին բառը գրվում է 1236 թվականին: Նրանք իրենց «...պայծառ միջով և գեղեցիկ գրով և ընտիր բանիւք, ցանկալի ամենայն տեսողաց» շքեղ ձեռագիրը ավանդում են Տեկորի վանքին, որպեսզի իրենց հոգեզավակով՝ Իզնատիոսի գրած ու նկարագրադատ ձեռագրով, հիանալի շատերը: Չորս տարի անց, Բոնավորի և Տղատիկնոջ խնդրանքով ձեռագիրը վանքին ընծայելու մասին Տեկորի վանքում արձանագրություն է փորագրվում:

Մեծ բանասեր, հայագետ, արվեստաբան Գարեգին արքեպս. Հովսեփյանը գրում է, որ ձեռագիրը սքանչելի էջեր ունի: Ձեռագրի մեջ եղած Տղատիկնոջ և Բոնավորի պատկերները Վարդգես Սուրենյանցը արտանկարել է:

Բոնավորի և նրա կնոջ՝ Տղատիկնոջ հոգեզավակ ձեռագիրը այժմ պահվում է Նոր Զոդայի Ամենափրկիչ վանքում:

ԽՈՐԻԾԱՀ

Մամիկոնյան Մարծպան իշխանի ու Մամքանի դուստր Խորիշահը արժանիորեն շարունակեց սկեսրոջ՝ Մամխաթունի շինարարական գործունեությունը:

Խորիշահը ամուսնու՝ իշխանաց իշխան Բուրդ Ա. Վաչուտյանի հետ շուրջ չորս տասնամյակ իշխեց Արագածոտնում, Նիգում, մասնակցեց ամուսնու բոլոր ձեռնարկումներին:

1255 թվականին իրենց վաղամեծիկ դուստր՝ Մամխաթունի հիշատակին Խորիշահը և Բուրդը կառուցեցին Սաղմոսավանքի գրատուն-մատենադարանը:

Խորիշահը և Բուրդը կառուցել են նաև Հովհաննավանքի գավիթը, Աստվածընկալի (Ապարանի շրջան) կաթողիկե եկեղեցին և գավիթը³⁰, նորոգել են Սևանի Առաքելոց եկեղեցին: Նրանք մեծամեծ նվերներ են տվել այդ եկեղեցիներին:

Խորիշահը և Բուրդը հովանավորել են մշակութային գործիչներին: 13-րդ դարի հայ նշանավոր մշակութային գործիչ, պատմիչ Վարդան վարդապետ Արևելցին երկար ժամանակ հյուրընկալվել է նրանց տանը: Նրանց հյուր են եղել Վանական վարդապետը, Գևորգ Սկևռացին: Կիլիկիայի Հեթում թագավորը 1254 թվականին Կարակորում ուղևորվելիս մեկնելու և վերադարձի ճանապարհին իր ջրախմբով հյուրընկալվել է Բուրդ Ա-ի և Խորիշահի Վարդենիս գյուղի դղյակում: Պատմիչ Կիրակոս Գանձակեցին այդ օրերին նույնպես եղել է Վարդենիս գյուղում և գրել է, որ այնտեղ էին գալիս իշխաններ, հոգևորականներ. «Ապա եկին առ նա... (իմա Հեթում Ա թագավորի մոտ) եպիսկոպոսք և վարդապետք և քահանայք և իշխանք քրիստոնեից»³¹:

Խորիշահ Վաչուտյանը մահացել է 1260 թվականից հետո:

ՄԱՄԱԽԱԹՈՒՆ

Մամխաթունը Բուրդ և Խորիշահ Վաչուտյանների դուստրն է:

Մամխաթունը մանկահասակ մահացել է: Ծնողները վաճառել են դստեր զարդերը և Սաղմոսավանքի կաթողիկե եկեղեցու ձախ կողմում, եկեղեցուն կից, գրատուն են կառուցել: Գրատուն պատին նրանք արձանագրել են.

«Ի թվ(ին) 27 (1255) ես Բուրդս եւ ամուսին իմ Խորիշահ շինեցաք զգրատունս եւ հաստատեցաք զմատուռս յանուն դրստեր մերոյ Մամխաթունին»:

Բուրդը և Խորիշահը գրատանը ոսկետուփ Ավետարան, ուրիշ ձեռագիր գրքեր են նվիրել, տվել են կալվածքներ:

Մամխաթունի անվան գրատուն-մատենադարանում ստեղծվել են տասնյակ ձեռագիր մատյաններ:

ՄԱՄՔԱՆ

Ծնողներից՝ Բուրդ Ա Վաչուտյանից ու Խորիշահ Մամիկոնյանից Մամքանը ժառանգեց մշակութամիլեր անապատ եռանդ:


³⁰ Վ. Մ. Պետրոսյանց, Աստվածընկալի վանքը, «Էջմիածին», 1978, Գ(3), էջ 57—61:

³¹ Կիրակոս Գանձակեցի, Պատմություն հայոց, Ե., 1961, էջ 870:

Ամուսնանալով Դոփի՝ Զաքարե ամիր-սպասալարի քրոջ թոռ, Խաչենի, Ականի, Հանդաբերդի, Սոթի, Շողգահի, Ծարի մեծ իշխան Հասանի հետ, նա աչքի ընկավ որպես իր դարի մեծահարուստ բարերարներից մեկը: Հայրենի տիրույթներում Մամքանը կանգնեցրել է խաչքարեր ու վանքերին նվերներ է տվել:

Մամքանի առաջին թվակիր արձանագրությունն է:

Ամուսնու երկարատև բացակայությունների ընթացքում իշխանությունը ոչ թե Մամքանը, այլ Գրիգորն էր վարում: Արձանագրությունների մեջ Մամքանն իրեն միշտ կոչում է «ամուսին արիականին Հասանայ» կամ ուղղակի «ամուսին Հասանայ»: Հա-



Տեղերի եկեղեցի. ընդհանուր տեսքը հարավ-արևմուտքից, կառուցել է Մամախաթուն Վաչուտյանը 1218—1232 թթ.

Մամքանի ամուսինը՝ Հասանը, մասնակցում էր Հուլավյան տիրակալների արշավանքներին և քաջության շնորհիվ վերանվանեց իր հայրենի տիրույթները, որոնք նրա որդի Գրիգորը շատ էր սիրում և արձանագրել է. «Կանգնեցի զհաչս ի գեղս, որ կոչի Ծար՝ սիրեցելոյն հարն իմոյ հայրենիք եւ պարգև քաջութեան»:

Մամքանը և որդին՝ Գրիգորը, 1267 թվականին նվերներ են տվել Դադի վանքին և արձանագրել են. «...Ես՝ Մամքան, ամուսին արիականին Հասանա եւ որդի մեր Գրիգոր, տերք գոլով տեղոյս հայրենաւք... ի ԶԺԶ թվին տուաք ի ՍԲ ուխտս զԾովատեղ, զԶաջուտանց, զԶոլբեկանց»³²: Սա

սանի հիշատակին Մամքանն ու Գրիգորը Դաշքենդի Աստվածածին եկեղեցուն են նվիրել «զԶորին ջաղացն, զԾալին հողն, Ստեփանոսի ջաղացադուան խոտն»:

Քաջակորով ամուսնու մահից հետո էլ (1287 թ.) Մամքանը որդու և հարսի՝ Ասփայի հետ մույն ջերմեռանդությամբ շարունակում է իր մշակութամպաստ գործը:

Մամքանը մահացել է 1298 թվականին ու թաղվել է հայրենի Դադի վանքում:

ՄԻՆԱԽԱԹՈՒՆ

Միմախաթունը Խաչենի մեծ իշխան Հասան Զալալ-Դոլայի դուստրն է, Օրբելյան մեծ իշխան Լիպարիտի որդի իշխանաց իշխան Տարսային Օրբելյանի կինը:

³² Մակար վրդ. Բարխուդարյանց, Արցախ, Բագու, 1895, էջ 205:

Տարսայիճ Օրբելյանի պատմիչ որդին՝ Ստեփանոս արքեպիսկոպոս Օրբելյանը, բավականին մանրամասն նկարագրել է հոր երկրորդ ամուսնության հետ կապված մանրամասները: Նա գրել է. «Սա (հայրը՝ Տարսայիճը—Վ. Պ.) առեալ զթագաւորն Վրաց Դաւիթ՝ գնայր ի տունն Խաչենոյ, առ որդի մեծ իշխանին Զալային Աթաբէկն. և առնոյր զքոյր ճորս ի կնութիւն զՄիմա-խաթունն...»³³:

Տարսայիճը Միմախաթունի հետ ամուսնացել է առաջին կնոջ՝ Արուզ խաթունի կենդանության օրոք և գերապատվությունը տվել է նրան:

Միմախաթունը ժառանգել է մոր՝ շինարար իշխանուհի Մամքանի լավագույն զօնը: Նա էլ մոր մման շինարար ու բարերար էր: Մասնակցել է ամուսնու շինարարական ձեռնարկումներին, նվերներ է տվել մշակութային կենտրոններին:

Միմախաթունի և Տարսայիճի առաջին համատեղ կառուցը 1272 թվականին Սիսիանի շրջանի Աերկայիս Դարբաս (հնում Էդուերծ) գյուղում կառուցած սուրբ Աստվածածին եկեղեցին է: Եկեղեցին կառուցվել է որպես Տաթևի լուսագին և ապահովվել է կալվածքներով: Այդ է վկայում արձանագրությունը. «...շինեցաք Ա.(ստուա)ծածինն ի հալալ արդեանց մերոց ի փրկութիւն հոգւոյ և յերկարութիւն կենաց մերոց. տուաք ի պէտս ապաստորաց Սուհակայ տափին հողն, նահատակին հողն, և ներքի ծաղկոցն ի Շնհեր, ի Տաթևայ լուսագին...»³⁴:

1274 թվականին Ազիզբեկովի շրջանի Եղեգիս գյուղում (այժմ Ալալազ) Տարսայիճն ու Միմախաթունը սուրբ Նշան եկեղեցու մոտ կառուցել են իշխանական տուն, որի մուտքի (դարպասի) կամարակալ քարի վերին շրջանակում փորագրված է.

«Ա.(ստուա)ծ շնորհաւոր անէ դարբաս բարոն Տարսայիճին, Միմախաթունին՝ իւր ամուսնաւ թվ(ին) 2ԻԳ (1274)»³⁵:

Քարի կենտրոնում եղել են Տարսայիճի և Միմախաթունի քանդակները: Այդ պատկերները կրող քարն այժմ չկա, բայց մեզ է հասել պատկերների նկարագրությունը. «այրն պերճագգեաց, մանեկաւոր և թագակիր բազմեալ ի գահոյս. կինն զանգրահեր և պաճուճագգետս և խոյրակիր, աջ զգօտուով ածեալ, զձախն ի վերայ ծնկանն ու նելով»:

³³ Ստ. Օրբելեան, Պատմութիւն նահանգին Սիսական, Թիֆլիս, 1910, էջ 424:

³⁴ Դիվան հայ վիմագրության, պրակ 2, կազմեց Ս. Բարխուդարյան, Ե., 1960, էջ 114:

³⁵ Դիվան հայ վիմագրության, պրակ 3, էջ 115:

1273 թվականին մահացել է Սմբատ Օրբելյանը և մեծ իշխան է դարձել Տարսայիճը: Հավանաբար հենց այդ ժամանակ էլ փորագրվել է Ցաղաց քարի վանքի սուրբ Կարապետ եկեղեցու հարավային պատի արձանագրությունը, որով ամուսինները «...տվաք ի ս(ուր)բ ուխտս Ցաղաց քարոյ ի հայրենեացն մերոց, ի Գեղարքունի զգեղոն Գառնո... եւ ի Մճրոկաձոր զմեր ձեռատունկ այգին Ա... ոյթեց սպասք...»³⁶:

Միմախաթունի անունը հիշատակվում է Ամաղուի Նորավանքի սուրբ Կարապետ եկեղեցու արևմտյան պատի մեծ արձանագրության մեջ, որը փորագրվել է մինչև 1289 թվականը³⁷, մինչև Տարսայիճ Օրբելյանի մահը:

Ամուսնու մահից երկու տարի անց՝ 1292 թվականին, Միմախաթունը իր և որդու՝ Զալայի անունից նվիրատվական մեծ արձանագրություն է փորագրել Ամաղուի Նորավանքի Օրբելյանների տոհմական հանգրվանների՝ Սմբատի դամբարանի հյուսիսային պատին: Արձանագրությունը մեջ ենք բերում ամբողջովին.

«Կամաւ ամենակալին Ա.(ստուծո)յ. այս գիր յիշատակի եւ արձան անցնելի Միմախաթունին է, դստեր մեծի արքային Զալային եւ ամուսնո մեծագգի իշխանին Տարսայիճին եւ իմ որդոյս Զալայիս, որ գնեցաք ի մեր հալալ ընչից զՆորպետին այգին ի Վեդի եւ զայն ի Կորդո գնեցաք ի հայրենատիրացն եւ տնկեցաք, եւ բոլորեցի զԴ. դեհն, Ա. ճակատն բնաշահ ռահն ու իր պագումին այգին, Ա. ճակատն իրիցին այգին, Ա. ճակատն Ոգպեկին այգին, Ա. ճակատն բրիհմին այգին, տեղն ԺԲ գրվի զոր յառաջ այլ տված էր վանիցս՝ մեք մեր յաժարութեամբ վերստին տվաք ի Նորավանս, յաւագ. ս(ուր)բ Նշանս եւ ի տ(է)ր Ստեփանոս, վասն հոգեց արքաաշուք տեառն իմո Տարսայիճին. իսկ տ(է)ր Ստեփանոս եւ միաբան եղբարքս կարգեցին նմա յիշատակ անցինց գտան Համբարձման. զի յայնմ ատուր հանդիսիւ արհմեւեցեն զշիրիմս ճորս եւ Ժ ար պատարագ մատչի. եւ այս տուրքս ոչ ի գրկանաց, ոչ ի գեղէ, ոչ ի պարոնահողոյ այլ մեր հալալ դրամագին՝ ազատ յամէն յարկաց, որ ոչ ում հաշիւ չկա ի հետ: Արդ թէ ի մերոց կամ յատարաց կամ յիշխանաց կամ ի ձեռնաւորաց զինչ եւ իցէ պաճառաւ նենգել կամ հանել ջանան զայս այգիս ի Նորավանից՝ կտրեալ լիցին ճոքա յերկու կենաց, ընդ աւճին եւ ընդ սատանահի նգովեալ եւ ղիցի յամենակալ բերանէն Ա.(ստուծո)յ,

³⁶ Նույնը, էջ 149:

³⁷ Նույնը, էջ 214:

գկայեցին, գՅուդահին, գՅուլիանոսին առձե վարձ. ընդ Վասակա ուրացողին դատեցի, յերկիցս (ուր)ք ժողովոյն եւ յամէնս արքոց անիծեալ լիցի ի մահ եւ ի կեանք. եւ թէ տաճիկ աւագ փոխի եւ հանել ջանա Ռ, Ռ, Ռ (1000, 1000, 1000) նալաթ լինի, յիւր Մահմետէն ապիգար լինի»³⁸:

Ի թվիս 210 Ա. (1292): Հաստատ է գիրս կաման Ա. (ստուծոյ)ք:

Միմախաթունը մահացել է 1298 թվականին և թաղվել է Ամաղուի Նորավանքում, Օրբելյանների դամբարանում, ամուսնու կողքին: Նրա տապանաքարի վրա փորագրված է.

«Ի թվ(ին) 210 է (1298): Թագազարմ արքայուհին է Միմախաթունն, դուստր մեծ կողմնակալին Աղանից Ջալալին»³⁹:

Միմախաթունն ունեցել է երեք զավակ. «գեղեցկուղեք» Ջալալը, Ասիան և Մամքան: Դուստրերից Ասիան ամուսնացել է Խաչենի Ծարա ճյուղից (Դոփյան) Գրիգորի, Մամքան՝ վրաց Դավիթ թագավորի եղբոր որդու՝ Մանուելի հետ:

Իր արձանագրությունների մեջ Ասիան մորը կոչել է «...թագազարմ մօրն իմոյ Միմախաթունին»⁴⁰:

Բարերար իշխանուհուն մահից հետո էլ հիշել են: Պողոս գրիչը 1314 թվականին Գլաձորում արտագրած Ավետարանի հիշատակարանում սիրով է խոսում հայրենասեր ու հայրենամարտ իշխանուհու մասին:

ԳՈՂԱՐ

Գոհար խաթունը ապրել է 13-րդ դարի երկրորդ կեսում:

Գոհար խաթունի որդին՝ Ամիրան, Ջուրջի թողը, 1291 թվականին իր և մոր հիշատակին Տարսայիճ Օրբելյանից 4000 դրամով հողեր ու ջրորի է գնել և նվիրել է Վաչոց ձորի Ամաղուի Նորավանքին:

Արձանագրությունը փորագրված է գավթի արևմտյան պատին: Ահա այն.

«Ես Ամիրայս, թոռն Ջուրջին եկի Նորավանս առաջիսս (ուր)ք Նշանիս ու Չյաղթապգին որ ի պարոն Տարսայիճէն գնեցի ԴՆ դրամու, ի Գ ջրորի, տվի ի ս(ուր)ք ուխտս վասն իմ հոգոյս եւ իմ մարն Գոհար Խաթունին: ...թվիս 210 (1291)»⁴¹:

³⁸ Նույնը, էջ 238—239:

³⁹ Նույնը, էջ 237:

⁴⁰ ԺԴ դարի հայերեն ձեռագրերի հիշատակարաններ, կազմեց Լ. Ս. Խաչիկյանը, Ե., 1950, էջ 100:

⁴¹ Դիվան հայ վիմագրության, պրակ 3, էջ 220:

ԹԱԾՄԵԼԻՔ

Թաճմելիքը Խալաշահի թոռն է, Մխիթար իշխանի դուստրը, Խոթլաբեկի քույրը:

Շարունակելով իր նախորդների ավանդույթը, Թաճմելիքը ամուսնու՝ Սաննարի հետ միաբանել է Թանահատի վանքին և նվերներ է տվել սուրբ Ստեփանոս եկեղեցուն:

Սաննարի և Թաճմելիքի արձանագրությունը, որը փորագրվել է մոտ 1284—1292 թվականներին, հայտնում է, որ նրանք հող են պարգևել եկեղեցուն:

14-րդ դարի առաջին տասնամյակում Թաճմելիքը եկեղեցու հյուսիսային պատին փորագրել է.

«Կաման Ա. (ստուծոյ) ես Թաճմելքս, դուստր Մխիթարա, թոռն Խալաշահին տվի Ա. վեցկի...»⁴²:

ԱՍՓԱ

Ասիան իշխանաց իշխան Տարսայիճ Օրբելյանի և Միմախաթունի ալագ դուստրն է: Դեռևս հոր կենդանության օրոք, 1287 թվականից առաջ, նա ամուսնացավ Խաչենի Ծարա Դոփյանց ճյուղից Հասանի որդի Գրիգորի հետ:

Ասիան թե՛ հայրական, թե՛ ամուսնու տանը ապրեց այնպիսի մարդկանց հետ, ովքեր իրենց ամբողջ էությունը նվիրված էին հայկական մշակույթին: Հայրական տանը նրա համար այդ օրինակը մայրն էր՝ շինարար իշխանուհի Միմախաթունը, ամուսնու տանը՝ սկեսորը՝ Մամքան Վաչոյանը: Ասիան, իր ժամանակի ոգուն համապատասխան, իր իշխանության սահմաններում կամովին ստանձնում է մշակույթի ու լուսավորության բնագավառի ղեկավարությունը:

Ասիան և Գրիգորը, ինչպես ճշտորեն նկատել է պատմաբան Բագրատ Ուլուքաբյանը, խիստ կապված են եղել իրար և «նրանց միջև եղել է պաշտամունքի հասնող մի սեր»⁴³: Այդ են վկայում մեր օրերը հասած արձանագրություններն ու հիշատակ-վկայությունները: Ահա մի քանի օրինակ: Թաթարների հետ արշավանքի գնացած ամուսնու բացակայության ժամանակ Ասիան հայրենի Խաթրավանքում բեմի սեղան է կանգնեցնում և արձանագրում «նպաստ եղեալ քրիստոնապասկ գլխոյ իմոյ մեծափառ իշխանին Գրիգորի»:

⁴² Դիվան հայ վիմագրության, պրակ 3, էջ 79:

⁴³ Բ. Ուլուքաբյան, Խաչենի իշխանությունը 10—16-րդ դարերում, Ե., 1975, էջ 316:

Թաճերի որդին է Էաչի իշխանը, որը հոր մահից հետո (1292 թ.) ժառանգել է իշխանությունը:

Թաճերը մահացել է 1313 թվականից առաջ: Այդ մասին որևէ ուղղակի հիշատակություն չկա: Այդ բանը ասելու համար հիմք է հանդիսանում Խաչիկ գյուղի Խոտակերաց սուրբ Նշան եկեղեցու արձաթյա պահարանի վրա փորագրված Էաչիի արձանագրությունը, որից երևում է, որ Էաչիի մայրը ևս մահացել է: Արձանագրությունը թվագրված չէ, բայց հասկանալի պատճառով այն չէր կարող 1313 թվականից ուշ գրվել, քանի որ այդ թվականին մահացել է նաև Էաչի իշխանը:

ԹԱՅԵԿ

Թացեկը գործել է 13-րդ դարի վերջին քառորդում, հոր անունը Սարգիս է:

1290 թվականին նա Սելիմի ձորում, Քարագլուխ գյուղից հարավ-արևելք, խճուղու եզրին, մի մեծ, բնական ժայռաբեկորի վրա, խաչքար է կանգնեցրել: Խաչքարի ներքին մասում արձանագրված է.

«Ի թիվս ՉԼԹ (1290) ես Թացեկս, դուստրը Սարգիս, որդու խորիշահի, կանկնեցի զխաչս ի բարեխաւսութ(իւ)ն ինձ և ծնողաց իմոց. յիշեցէք ի Ք(րիստոս)ս»⁴⁸:

ԽԱԹՈՒՆ

Խալաշի դուստր Խաթունի նվիրատվական արձանագրությունը փորագրված է Վայոց ձորի Վերնաշեն գյուղի մոտ գտնվող Թանահատի վանքի սուրբ Ստեփանոս եկեղեցու հարավային պատին:

Ահա այն.

«Յանուն Ա(ստուծո)յ ես Խաթուն դուստրը Խալաշի ետու իս դեկան. տուի ս(ուր)բ եկեղեցիս. կարգեցին...»⁴⁹:

⁴⁸ Դիվան հայ վիմագրության, պրակ 3, էջ 177:

⁴⁹ Դիվան հայ վիմագրության, պրակ 3, էջ 75:

Վիմագետ Սեդրակ Բարխուդարյանը գտնում է, որ արձանագրությունը գրվել է եկեղեցու կառուցման ժամանակ, մոտավորապես 1270—80-ական թվականներին: Արձանագրության բովանդակությունից երևում է, որ Խաթունը 40 դեկանը նվիրել է այդ մասի կառուցմանը օժանդակելու նպատակով:

Խաթունի մի ուրիշ արձանագրություն փորագրված է Ամաղուի Նորավանքի գավթի հյուսիսային պատի եզրին: Այդ արձանագրությամբ Խաթունը հայտնում է, որ միաբանել է սուրբ Նշան եկեղեցուն և տվել է մեծ նվերներ.

«... տվի Յ(300) սպիտակ ի յԱռփայ այգի գնեցի»:

Հավանական է, որ Խաթունը Վայոց ձորում հայտնի Խալաշահների իշխանական ընտանիքից է: Այդ ընտանիքի ժառանգները 14-րդ դարի սկզբներին ևս նվերներ են տվել Ամաղուի Նորավանքին:

ՄԼԸՔ

Մլըքը Հազարի կինն է: Ամուսիններն ապրել են 13-րդ դարի երկրորդ կեսում: Նրանք երեխա չեն ունեցել և որպեսզի անհիշատակ չմնան Ամաղուի Նորավանքին այգի և տներ են նվիրել: Նրանք այդ նվերները համարել են իրենց հոգեզավակը և այդ մասին գավթի հարավային պատին փորագրել են.

«Վաման Ա(ստուծո)յ, ես Հազարի եւ ամուսին իմ Մլըք ոչ ունեաք զաւակ երկրաւոր, ստացաք զաւակ անծեռանալի ըզս(ուր)բ Նշանս եւ տվաք զմեր ձեռատունկ այգին ու Դ դուռն տուն մեր շինած ի Չվա»⁵⁰:

Արձանագրությունը փորագրել է վանքի առաջնորդ Սարգիս Բ-ի առաջնորդության տարիներին՝ 13-րդ դարի վերջին քառորդում:

⁵⁰ Դիվան հայ վիմագրության, պրակ 3, էջ 224:

